

INUIT ATAQATIGIIT

Inatsisartuni



4. juli 2019

Inatsisartut suleriaasianni §37 naapertorlugu apeqqutit imaattut Naalakkersuisunut ingerlatippakka:

Naalakkersuisunut apeqqutit:

- 1. Meeqquerivinni perorsaasut tunngaviusumik aningaasarsiaasa perorsaasutut ilinniarsimasut akissarsiaqartinneqarnerini akissarsiat inissisimaffiini annerpaamik ataatsimut akissarsiallit ataanni akissarsiaqartittussanngorlugit inissineqassappata kommunitut qanoq aningaasartuutaanerulissava?**
- 2. Perorsaasutut ilinniarsimasut ataatsimut aningaasarsiaasa aningaasat pisissutigineqarsinnaanerisa allanngoriartornerannut sanilliullugu qanoq "katataaqqatigippat"?**
- 3. Akit nikikkiartornerannut perorsaasutut ilinniarsimasut aningaasarsiaat naapertuussarneqarsimasuuppata perorsaasutut ilinniarsimasut ataatsimut aningaasarsiaat qanoq annertutigisumik qaffasinnerutigissagaluarpat?**
- 4. Akissarsiat inissisimaffiat skalatrin 41-42-44-45 naapertuuttumik meeqquerivinni perorsaasut ataatsimut assigiimmik aningaasarsiaqalersinneqassappata Naalakkersuisut aporfilersuinissaminnut tunngavissaqarpat?**
- 5. Naalakkersuisut allaanerusumik tunngavilersuutinik pingaarutilinnik meeqquerivinni perorsaasut aningaasarsiaasa qaffanneqarnissaat pillugu oqaasissaqarpat?**

(Inatsisartunut ilaasortaq Aqqaluaq B. Egede, Inuit Ataqatigiit)

Tunngavilersuut:

Naalakkersuisunut apeqquteqarninni suliassap matuma naalakkersuinikkut sammineqarnera aamma tunngaviatigut pissutsit atuuttut Naalakkersuisuniit qanoq isumaqarfigineqarnerat paasisaqarfigerusuppara. Ulloq manna tikillugu malunnaatilimmik iliuusissanik saqqummiussisoqanngilaq. Tamanna pissutigalugu Naalakkersuisuniit iliuuseriniakkat imaluunniit pissutsinik aporfiusinnaasunik pissuteqarluni nikeriartoqarsinnaannginnersoq paaserusuppara.

Qinnutigissavara apeqquteqaatima ullut suliffiusut qulit iluanni akineqarnissaat.